

001 KIINAUJALIQINIKKUT AULADJUTIKHAINUN MALIKTAKHAQ

Una pitqujauhijajuq kangiqhidjutaa taimaa una Maniliqinikkut Munaridjutikhanun Katimajiit ministanin ihuaqhivaktait kiinaujaliqinirmun atugakhaq Kavamatkunun piliuqhugit pitqujauhijajuq. Kiinaujaliqijirjuaq ihuaqhaqpagait pitqujauhijajuq taaffumunga Kiinaujaliqinikkut Auladjutainun Maliktakhat (FAM). Kiinaujaliqijirjuaq piliuqpagait pijakhait tuhaqtidjutikhanullu aallatqiinun pivlutik ikajurlugit kavamatkuni havaktunun kangiqhijaanginni, maliklugit, ihuaqtumiklu pilugin Katimajiita atugakhainun pinahuaqtait.

1.0 MALIGAMUT NAUNAITKUTAQ

1.1 Nunavunmiut ikajuqtauvaktun pigaangata Kavamatkun kaniqhinnaqtumik tuhaqtpkaigaangata inmik havagvingmi atugakhait pihimajunun kiinaujaliqinikkut auladjutikhainun, kiinaujaliqinikkut munaridjutainun, atuqpagainullu kavamatkunin ikajuutikhanik ihuaqtumik pivlugit ikajuutauniaqtumun kavamatkunni havaktunun kangiqhijaanginni, maliklugin, ihuaqtumiklu pilugin Kavamatkun pinahuaqtainik.

2.0 MALIKTAKHAIT

2.1 Kiinaujaliqijirjuaq ihuaqharniaqtait tuhaqtidjutigilugillu tamaita pitqujauhijajuq ukunanga Maniliqinikkut Munaridjutikhanun Katimajiit (Katimajiit) piliuqtaaqtaillu ikajuutikhat atugakhat ikajuutikhanun kavamatkunni havaktunun havarijaanginni Katimajiit pitquhingauhijainik ihuaqpiaktumik pilugin, aadjikkiiklutik, nakuujumik, ajuittiaqtumiklu.

3.0 ATULIRVIKHAA UBLUA

- 3.1 Una pitqujauhijajuq atauqtaulirniaqtuq talvani Tattiarnaqhilirvia 13, 2022.
- 3.2 Una pitqujauhijajuq himmiutigijait ataani pihimajun:
- FAM Atujujajuq 3-1: Pidjutainun Maliktakhanun (Apitilirvia 2009)

4.0 ATANIQTUIDJUTIT HAVAQUJAINULLU

- 4.1 Una pitqujauhijajuq pihimajuq ataani ataniqtuidjutini ilanginni 5, 11, unalu 12 uumani [Kiinaujaliqinikkut Auladjutainun Maligaaq \(FAA\)](#).
- 4.2 Katimajiit tikkuaqtauhimajun talvunga Kiinaujaliqijirjuaq ataniqtuinikkut piliuriami, aallan'nguqtirilutik, pijjarlugit maliktakhanun atuqpagainun, inungnun naunaipkaidjutin, titiqqat, aallallu atugakhanun ikajuutikhat pihimajunun uumunga pitqujauhijajumun.

5.0 PINAHUAQTAIT

-
- 5.1 Pidjutikhaa uumunga pitqujauhijumun taimaa pijaami:
- 5.1.1 Iltarilugu taimaa Katimajiit ihuaqhivaktain Kavamatkun atugakhait pihimajumun kiinaujaliqinikkut auladjutikhanun, kiinaujaliqinikkut havaktakhainun, imaalu atuqpagainun kavamatkunin ikajuutikhat piliuqhugin pitqujauhijumun ataani *Kiinaujaliqinirmut Auladjutkhanut Maligaq*.
 - 5.1.2 Tunilugin uumunga Kiinaujaliqijirjuaq havaarijakhainun upalungaijariangani, ihuaqharlugin, tuhaqtipkaidjutigilugin, munarilugin, imaalu ikajuutigilugu kangiqhipkaidjutaanik atuqtakhainullu ukuninga Katimajit pitqujauhijumun.
 - 5.1.3 Havaarilugu una Kiinaujaliqinikkut Auladjutikhanun Maliktakhait (FAM) aturlugu taimaa ataniqtuinnikkut pivikhaq Katimajiita pitquhimajumun ikajuutigilugulu atugakhamun ilagijainun (ukunatun maliktakhat, atuqpagait, inungnun tuhaqtipkaidjutit, titiqqat, aallallu) pihimajumun maniliqinikkut pidjutainun Kavamatkunni.

6.0 ILUANIITTUT

- 6.1 una *Kiinaujaliqinirmut Auladjutkhanut Maligaq*:
- 6.1.1 Piliurlugu Katimajiit katimajijakhanun Atanilluat Katimajiit ("Ministait") amihunik havaarijakhagarlutik maniliqinikkut munaridjutikhanun auladjutikhanullu Kavamatkunni.
 - 6.1.2 Piliuqhuni Katmajiinun havaktakharijainun ataniqtuiluni pidjutinun pihimjumun uumunga maniliqinikkut munaridjutikhanun auladjutikhanullu. Naunaitkutit ilagijait maniliqinirmun unalu maniit ukiunganun atuqtakhanun atugakhanik, ataniqtuidjut unniqhiudjutikhanullu maniit akiliutaujumun maniliurutinullu, aallaniklu.
 - 6.1.3 Pipqaqhugu Katimajiit piliurianginik pitqujamingnun kavamatkuni avaktunun aallamun Uqaqtimin ihumagidjutin maniliqinikkut pidjutainun.
 - 6.1.4 Pipqaqhugin kavamatkuni havaktin piliurianginni Katimajiita pitqujainik qilamik nakuujumiklu.
 - 6.1.5 Pipqaqhugit tamaita Ministat aallamin Uqaqtimin maliklutik atuqpagainun pitqujainun Katimajiit unalu Minista Kiinaujaliqijitkunun pidjutinun maniliqinikkut auladjutainun munaridjutikhanullu.
 - 6.1.6 Pipqaqhugu tamaita Ministat unniqhilutik maniliqinikkut pidjutainun taimaa inmik havaarijainun, pidjutikhamun taimaa Katimajiit Ministaluuniin pitquikpan.
 - 6.1.7 Havaklugin havaarijakhaa Kiinaujaliqijirjuap, tiliurlugin havaktaujakhat taimaa ilaujunun:

6.1.7.1 Piliurlugu titiraq iluaniittukhanullu maniliqinikkut naunaitkutainik maniliqinikkullu pidjutikhainun.

6.1.7.2 Pilugit munarilugillu pidjutikhat maliktakhallu pivagianginni ihuaqtumik maniliqinikkut, ataniqtuidjutigilugin, angirutikhanullu kavamatkun maniinik nanminirijainiklu.

6.2 Kiinaujaliqijirjuaq havaarijakhait ukuat:

6.2.1 Upalungaijarlugin, ihumagijakhainun angiktakhainullu Katimajiit, pitqujauhijarlugin ikajuutikhat piliuriami tuhaqtidjutigilugillu Kavamatkut atugakhaat pidjutinun pihimajunun maniliqinikkut auladjutinun, maniliqinikkut munaridjutinun, atuqpagainun kavamatkuni ikajuutikhanun ilaujunullu pidjutinun.

6.2.2 Naunaijarlugin tuhaqtpkaidjutigilugillu Katimajiit angiqhimajait pitqujauhijarlugin uumunga pilugu Kiinaujaliqinikkut Auladjutikhainun Maliktakhait (FAM), ataniqtuidjutinun pivikhaq tahapkununga pitqujauhijarlugin.

6.2.2.1 Kiinaujaliqijirjuaq pittaqtuq ihuaqhailuni, hanauhiit, ihuaqhilugin makpiraaliurlugilluuniin FAM-kut, pitqujauhijarlugin, ikajuutikhallu hunavaluit (ukunatun maliktakhat, atuqpagait, inungnuntuhaqtidjutait, titiqqat, hunavaluit) qanurlikaak ikajuutauniaqtumun ihuaqtumiklu pijaami Katimajiita atugakhanun pitquhimajait.

6.2.2.2 Kiinaujaliqijirjuaq aallan'nguqtiqtaaqtain qanuq FAM-kut ihuaqhaqtauvagiata, ihuaqhaidjutaa, qanuq piliuqhimajug makpiraaliuqhimajulluuniin, taimaalu ukuat aallan'nguqtirutin ihuirutaungitpata iluaniittunun kangiqhidjutainullu ukuat Katimajiita atugakhanun pitquhimajait.

6.2.2.3 Kiinaujaliqijirjuaq munariniaqtaa taimaa angiqhimajug pitqujauhijarlugin hailijaanginni inungnun qaritaujakkut utaqqinnaittumik pilutik.

6.2.3 Piliurlugin aallat atugakhanun ikajuutikhat ikajuutaujunun ihuaqtumun kangiqhidjutikhanun atuqtaudjutikhainullu ukuat Katimajiita pitqujainun. Uuktuutingit ikajuutikhanik atuqtakhainun ilagijait, kihimi kikliqangittut ukununga:

- Atuqpagait – Havaktakhainun, maliktakhat, malikpagailuunniin piqaqtunik naunaitkutikhanik qanuq havaktiit pijukhaujun pijukhalluuniin havaklugin hunavaluit ilaujun havaarijakhamingni.
- Ilittuqhitinut Naunaitkutat: Ihumagijaujanik, ilittuhidjutikhait, pijaujaaqtun, aallanikluuniin naunaiqtakhanik pihimajumun pitquidjutimun.

- Titiqqat – Titiraq (makpiraaq qaritaujakkulluuniin) katitiqpaktumun naunaitkutikhanik.
 - Aallat – Unnirutit, naunaijaidjutikhat, ikajuutikhat, aadjiliuqhimajun, tainiit naunaitkutait, aallanikluuniin ikajuutaujunik ikajuutiginiaqtainun kavamatkuni havaktunun kangiqhijaanginni havaarilugillu Katimajiit pitquhimajainik.
- 6.2.3.1 Kiinaujaliqijirjuaq piliuqtaaqtain, aallan'nguqtirlugin, piirlugilluuniin ikajuutikhat qanuriliurutikhat pihimaittumik Katimajiin angirutimik.
- 6.2.3.2 Kiinaujaliqijirjuaq naunaiqtiniaqtain Katimajiit aallan'nguqqata ikajuutikhanun qanuriliurutinun pidjutauniaqqata pijumajainik ministanun pidjutigijainun ihumagijainun, qanuriliurutaanun, pidjutaanun, aallanullu idjutainun.
- 6.2.3.3 Kiinaujaliqijirjuaq naunaiqhittaaqtuq atuqtakhanun qanuriliurutikhanun maliktaujakhamun (uumatun pijakhaukpan havaktakhaukpalluuniin) inmikkuuniin piluni (uumatun ikajuutikhat maliktakhanun naunaitkutikhanulluuniin).
- 6.2.3.4 Ukuat qanuriliurutikhat havagvingmi ikajuutikhat ikajuutaujunun FAM-kut pitqujainun, pijakhaittun hailijaanginni inungnun.
- 6.2.4 Naunaijarlugu una FAM, atugakhaanun pitquihimajun, ikajuutikhallu qanuriliurutikhat pihimmaarnikkut itquumajaanginnik, iniqhimalutik, kangiqhinnarlutiklu.
- 6.2.4.1 Kiinaujaliqijirjuaq aallan'nguqtirittaaqtait angiqtauhimajun pitqujahimajunik ihuaqhijuumijaanginni kangiqhinnaqtumik, itquumajumik, tamainnullu atuqtaujaangani angiqtauhimaittumik Katimajiin, taimaa ukuat aallan'nguqtirutit aallan'nguqtilimaitpata iluaniittunun kangiqhiutainullu Katimajiit angiqhimajainun atuqgakhanik pijakhanun (ukunatun ihuaqhilugit qanuq titiraqtakhaujunik, ihuaqhijuumilugin titiraqhimajun, ihuaqharlugin atautikkut titiraqhimajun, nutaanqutirlugin takujakturviit naunaitkutaillu, hunavalungniklu)
- 6.2.5 Tuhaqtidjutigilugin havaktinun tamainnik titiqqanik aallan'nguqtirutainun FAM-mun, unalu pikpata Katimajiit angiqqagin nutaat pitqujahimajunun aallan'nguqtirikpataluuniin, himmiutikpata, piiktaukpataluuniin ittunun pitqujahimajunun.

- 6.2.6 Naunairlugin pidjutikhat nakuutqijamik tuhaqtidjutikhanun pidjutinun pihimajunun maniliqinikkut auladjutikhainun munaridjutikhanullu iluani Kavamatkut pivagainun.
- 6.2.7 Naunaittiarlugin tamaita pitqujauhijumun ihumagijaujun piliuqhimajunulluuniin Katimajiinin ihuarlutik uumunga:
 - 6.2.7.1 Una *Nunavunmun Maligaq*, una *Kiinaujaliqinirmut Auladjutkhanut Maligaq*, aallallu ihuaqtun maligaliuqhimajun
 - 6.2.7.2 Kavamatkunni Havagviinni Maniliqidjutikkut Atugahat (Public Sector Accounting Standards -PSAS), piliuqhimajunun ukunanga Public Sector Accounting Board of Canada (PSAB).
- 6.3 Ministaup Tuglia unalu Atanilluaq Maniliqinirmun Havakti taminnin havagvingnin havaarijakharijain ukuat:
 - 6.3.1 Havaklugin maniliqinikkut pidjutin maliklugin tamaita ihuaqtunun pitqujauhijumunun atuqpagainullu ittuni talvani FAM-mi.
 - 6.3.2 Aturlugin ajuittiaqhimajumik ihumaliurutinik havalirumikkik naunaiqhilirumiklu FAM-mut pitqujauhijumun.
 - 6.3.3 Piliurlugin naunaijarlugillu iluani havagvingmi havaktaujakhanun maliklugin ihuaqhiuumijaami maliktakhanun pitqujauhijumunun atuqpagainullu.
 - 6.3.4 Naunairlugin malittiaqtumun FAM-mun pitqujauhijumunun pihimajunun inmik havagvingmingnun kavamatkunniluuniin timigijaanun.
 - 6.3.5 Naunaijarlugu FAM-mik piqattarlutik, apiqhilitik naunaiqhilitikluuniin kangiqhijaami pidjutinun iluaniittunun.
 - 6.3.6 Pitqulugin pidjutikhanun ihuaqhiuumijaangani FAM-mun (ukunatun kangiqhinnaqtuq, iniqhimajuq, itquumajuq, hunavaluit) talvunga Havagvia Kiinaujaliqijirjuap.
 - 6.3.7 Munarilutik taimaa tamaita havaktiit kaantulaaqaqtullu ilihimajaanginnik taaffumunga maliklugillu tamaita FAM-kut pitqujauhijumunun atuqpagainullu pihimajunun auladjutinun havaktamingnun, uqaudjilugillu aallan'nguqtirutinun utaqqihimaittumik pilutik.

7.0 PIDJUTIKHAANUN

- 7.1 Pitqujauhijumun piliuqtait Katimajiit pidjutigivaktain tamainnun kavamatkunni havaktinun, kavamatkunni havagviit ukuallu kavamatkunni timiqaqtun naunaiqhimajumi talvani s.1 FAA-mi taimaatun Katimajiit ataniqtuidjutikhaqaqtainun.
 - 7.1.1 Naunairiangani, pitqujauhijumun pihimajut ukununga tamaita

kavamatkunni havagviit unalu kavamatkunni timiqaqtunun naunaiqhimajuni talvani Schedule A (statutory bodies) and Schedule B (avikturviinni kuapaliisiujun) FAA-mi, kihimi pihimaittun ukununga Havaktinut Aanniqtailirnimullu Havalimaiqqata Nalliqtarvik.

7.1.2 Naunairiangani, pitqujauhijumun pihimaittun Uqaqtimun Maligaliurvingmi kihimi pihimajuq kavamatkunni havaktinun talvani Havagvia Maligaliurviup.

7.2 Tasmaitaungittun FAM-mun pitqujauhijumun pihimajumik kavamatkunni timiqaqtunun. Kavamatkunni timiqaqtuq malingillugin pittaqtun pitqujauhijumunin FAM-mi pikpat:

7.2.1 Maliganin angirutiqarumi itquumajumik havaktakhaqarumik timaa pijaami;

7.2.2 Pitqujauhimagumik taimaatun pijukhaujumik Ministamin Kiinaujaliqijitkunin maliklugu una s.78 FAA-mi;

7.2.3 Maligaliurvingmin angirutiqarumi manikhaliuriamingnik pihimalugillu inmik nanminirijamingnik maniliurutaujanik taimaatun pijaami :

- Manikhaqalluarjaat tunijauhijumun Maligaliurvingmin unalu
- kavamatkunni timiqaqtuq pigumigin atuqtakhamingnik atugakhanik, pitqujauhijumun, havaktakhainulluuniin taimaa aturiaaqqaqan ihuaqtumik aadjikkiikpan naunaitkutigijainun FAM-kut pitquhimajainun.

7.3 Pitqujauhijumun pihimajun aturiami pidjutinun hunaujunun.

7.3.1 Hunaujumun, katitihimajunulluuniin hunavalungnik, hunaungmagaat pittaarutiqaqqaqan ilijauhijumun ihuittumikluuniin uqaqtauhimakpan pidjutauniaqtuq aallan'nguqtirutigiluguluuniin ihumaliurutimun. Hunaujaakhaita pidjutaujuq ajuittiaqhimajumik ihumaliuriami.

7.3.2 Naunaiqhilirumik hunaujaakhainik hunamik, ihumagilugin naunaiqhimajun maligatigun maliguagakhanulluuniin pijakhaujunun. Maligatigun unniqhiurutikhaq pijakhaq hugijaulimaittuq taimaa inman pidjutigijaa ihumagijaungman taimaa ihuangittumik. Pidjutikhaa ukpirutikhaa maligaup ihumagijaujakhaq pihimaittugu ajungnaqpiaktumik maligatigun naunaiqhijutigijaanun.

8.0 NAUNAITKUTAUJUT IKAJUUTAUJULLU

8.1 Maligat Maliguagakhallu

- [Kiinaujaliqinirmut Auladjutkhanut Maligaq](#)
- [Nunavunmun Maligaq \(Kanata\)](#)

8.2 Ilaujun Qanuriliurutikhat

- Piittuq



8.3 Aallat ikajuutikhat

- [Kavamaliqininnga Kiinaujaliqinirmut Katimajjigit Kanatami](#)

8.4 Apiqhuutit

8.4.1 Apirhuutikhaqaruvin uumani pitqujauhijumun,

uqaqatigidjavan: FAM@gov.nu.ca

Havagvia Kiinaujaliqijirjuap Kiinaujaliqijitkut
Nunavut Kavamanga

